

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀՈՂԱՅԻՆ ՕՐԵՆՍԳՐԵՈՒՄ ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ

ՆԱԽԱԳԻԾ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ

ՕՐԵՆՔԸ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀՈՂԱՅԻՆ ՕՐԵՆՍԳՐԵՈՒՄ ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ

Հոդված 1. 2001 թվականի մայիսի 2-ի Հայաստանի Հանրապետության հողային օրենսգրքի (այսուհետ՝ Օրենսգիրք) 63-րդ հոդվածի 2-րդ մասի 3-րդ կետը շարադրել նոր խմբագրությամբ.

«3) աճուրդով (սույն օրենսգրքով նախատեսված դեպքերում նաև՝
Էլեկտրոնային աճուրդով).»:

Հոդված 2. Օրենսգրքի 67-րդ հոդվածի 1-ին մասը շարադրել նոր
խմբագրությամբ.

«1. Պետության և համայնքների սեփականություն հանդիսացող հողամասերի
վաճառքը, բացառությամբ սույն օրենսգրքի 65-րդ և 66-րդ հոդվածներով
նախատեսված դեպքերի, կատարվում է աճուրդով (սույն օրենսգրքով
նախատեսված դեպքերում նաև՝ Էլեկտրոնային աճուրդով).»:

Հոդված 3. Օրենսգիրքը լրացնել նոր 70.1-ին հոդվածով.

«Հոդված 70.1. Երևան համայնքի վարչական սահմաններում գտնվող հողամասերի վաճառքն Էլեկտրոնային աճուրդով

1. Երևան համայնքի վարչական սահմաններում գտնվող համայնքային
սեփականություն հանդիսացող հողամասերի վաճառքը, բացառությամբ
սույն օրենսգրքի 65-րդ և 66-րդ հոդվածներով նախատեսված դեպքերի,
կատարվում է Էլեկտրոնային աճուրդով:
2. Էլեկտրոնային աճուրդի կազմակերպման և իրականացման կարգը
սահմանվում է սույն հոդվածով և «Հրապարակային
սակարկությունների մասին» օրենքով՝ Էլեկտրոնային համակարգերի
միջոցով կազմակերպվող աճուրդներին վերաբերվող
կարգավորումներով: Երևան համայնքի վարչական սահմաններում
գտնվող համայնքային սեփականություն հանդիսացող հողամասերի
Էլեկտրոնային աճուրդով վաճառքի նկատմամբ չեն կիրառվում
«Հրապարակային սակարկությունների մասին» օրենքի 3-րդ հոդվածի
2-րդ մասի դրույթները:
3. Էլեկտրոնային աճուրդն իրականացվում է Երևանի
քաղաքապետարանի (www.yerevan.am) պաշտոնական Էլեկտրոնային
կայքի միջոցով:
4. Էլեկտրոնային աճուրդի լուտ կարող է լինել Երևան համայնքի

սեփականությունը հանդիսացող հողամասը կամ դրա առանձին հատվածը:

5. Էլեկտրոնային աճուրդի կազմակերպիչը Երևանի քաղաքապետն է:

6. Էլեկտրոնային աճուրդով իրացվող լոտի մեկնարկային գինը հաշվարկվում է սույն օրենսգրքի 67-րդ հոդվածի 2-րդ և 3-րդ մասերով սահմանված կարգով, իսկ նախավճարի չափը և աճուրդի դրված հողամասի քայլի չափը՝ սույն օրենսգրքի 68-րդ հոդվածի 5-րդ մասով սահմանված կարգով:»:

Հոդված 4. Երևանի քաղաքապետարանի (www.yerevan.am) պաշտոնական Էլեկտրոնային կայքի համապատասխանեցումը «Հրապարակային սակարկությունների մասին» օրենքի 35.6-րդ հոդվածում նշված պահանջներին կատարվում է սույն օրենքի պաշտոնական հրապարակումից հետո վեց ամսվա ընթացքում:

Հոդված 5. Սույն օրենքն ուժի մեջ է մտնում Երևանի քաղաքապետարանի (www.yerevan.am) պաշտոնական Էլեկտրոնային կայքի՝ «Հրապարակային սակարկությունների մասին» օրենքի 35.6-րդ հոդվածում նշված պահանջներին համապատասխան գործարկման օրվանից: